

鴻臚寺則例



鴻臚寺則例

一奏請

陞殿順治九年定。每月初五。十五。二十五。齋戒日期。



日三朝遇

駕不陞殿。餘日由寺具題傳知。遇雨雪亦由寺具奏請旨。豫於初三。十三。二十三等日。準各衙門移送應謝恩官員職名。及百人具奏請旨。如不及百人具奏不請

陞殿。若遇

覃恩大典。百官皆謝

恩各執事者多。照三大節儀奏請。

御中和殿執事各官先行禮。五鼓將謝。

恩官員職名繕清漢疏齋送內閣。內閣官奉置。

殿內豫設黃案上。本寺堂官詣。

乾清門請。

駕導引唱贊行禮均如儀。乾隆八年奏準。嗣後奏請。

陞殿定於初一。初二十日具奏。

一糾察。順治初年定三大節。暨凡遇。

慶典文武各官失誤朝賀行禮失儀者。由寺指名。

題參。常朝日謝。

恩由寺委官於。

午門外收取職名。不到者指參。交吏兵二部議處。

○十四年議準。凡遇常朝日。各官有實係患病。

者。由禮部劄知本寺。如假託偷安。由寺題參。

○又定。外任官員緊急赴任者。具朝服。本寺官引至。

午門前。行三跪九叩禮。其新選外任者。限於給憑。

十日內。由寺委官引禮。四品以上。於。

午門前五品以下。於。

天安門前。辭謝赴任。如無故踰期。由寺指名題參。

一演禮。順治初年定。外國朝貢使臣至京。由禮。

部先期知會本寺。赴寺演習朝儀。屆期委官引禮。遇慶賀日行禮。鳴贊官由右掖門引入。列於右翼之末。以次行禮。其頒賞謝

恩。均鳴贊序班贊引行禮。

一朝會贊相禮儀。元旦冬至次日。

萬壽聖節。

皇上率羣臣朝於

皇太后宮。是日五鼓。本寺滿堂官二人率鳴贊二人。豫

至

慈寧門次間牖外檐下。東西面立。設王公拜位於階

下甬道左右。設一二品官拜位。於

長信門外甬道左右。均各按班次。引王公鳴贊二人。引王以下。入八分公以上。詣

隆宗門外階下。左翼在北。右翼在南。祇候引百官。鳴贊二人。引未入八分公以下。公侯伯子男一品二品文武官。自

長慶門入。至

長信門外。仗南。鳴贊序班四人。引三品以下文武各官。於

午門外。均按翼東西面。北上序立。又自

永康左門。

熙和門。

午門內外分設鳴贊傳示百官行禮。

駕出隆宗門候過引王公等隨豹尾班後進。

永康左門南門。

皇上陞階引右翼王公自

長信門內仗南趨過西旁兩翼王公均於儀駕後

東西面北上序立。

皇上就拜位引王公百官各由仗南進就拜位東西
上北嚮立左班鳴贊一人奏跪拜興

皇上率羣臣行三跪九拜禮畢右班鳴贊一人奏禮成

皇上復位引右翼王公仍立原位引左翼王公於南

垣下西上北面序立引百官仍復原班序立候

駕過引兩翼王公隨出均東上北嚮序立於

永康左門之南候

駕還宮。

皇太后聖壽行禮與三大節同恭遇

聖壽大慶十年一次宣表設表案於

慈寧門左門外東旁西嚮

皇上率羣臣跪宣表官宣表畢復表於案贊奏行禮

均如前儀○恭加上

皇太后徽號前期恭上奏書設奏書黃案一於

中和殿內正中一於

慈寧門闕外正中均南嚮至日設

冊寶黃案一於

太和殿內御座前正中設

冊寶龍亭於案左右設黃案一於

慈寧門階下一於門闕外正中均南嚮設宣讀

冊寶案於門外左門之東壁西嚮引三品以下官於

午門外引王公於丹陛上引一二品官於右翼門

外旁垣東西面南上序立

冊寶龍亭至跪候

駕過隨行至

慈寧宮各就班位行禮儀均與三大節同○恭奉

慈輿巡幸遇

皇太后聖壽

皇上率王公內大臣侍衛一二品官於行營黃幔城

外三品以下官於網城外行禮本寺官贊引與

在京禮同○三大節大朝

御殿由寺設表案於殿內左楹之南筆硯案於右楹

之南。東西嚮。是日。

皇上率羣臣朝於

皇太后宮禮畢。

還宮。本寺官引王公暨二品以上官由右翼門入。至太和殿前。王貝勒班於丹陛上。一二品官於丹墀。引百官由左右掖門。

昭德門。

貞度門入。外國使臣隨右班至丹墀。各就班次。東西面北。

上序立。本寺執事各官赴

中和殿行禮畢。趨出。贊禮鳴贊東西各二人立。

殿門外第二楹前。卿及鳴贊左右各一人。序王貝

勒於第四楹階下。貝子公於王後。鳴贊序班各

二人。序百官於丹墀。均北上。東西面立。

上陞殿。樂止。階下三鳴鞭畢。右班鳴贊一人。贊排班

鳴贊各引王公於丹陛。鹵簿戟前進。就棕薦稍

後。引百官由丹墀鹵簿仗前進。各就品級。山稍

後。嚮上立。班齊。乃贊進。鳴贊進前。引王公百官

各就品級。拜位。退至仗內。東西面立。左班鳴贊

贊跪。王公百官咸跪。贊進表。宣表官奉表跪。宣

畢。復表於案。退贊。王公百官行三跪九叩禮。畢。

右班鳴贊贊退班鳴贊二人進前引王公百官
退出仗外仍復原班立次引外國使臣行禮每
國各爲一班均序於右翼班末贊禮鳴贊四人
退由左右階降立於仗內對丹陛左右階石闌
版第一柱東西面立贊禮引禮鳴贊引使臣自
仗南進至九品品級山拜位行禮如儀禮畢鳴
鞭

駕還宮。蒞樂止。各引王公由

太和門。

午門左右門百官由

昭德貞度門。午門左右掖門出。○恭遇
慶典
頒詔。設詔案一於殿內左楹之南。一於丹陛正中。引

王公集

太和殿丹陛上。百官集丹墀內。進表行禮。一如元

旦。蒞禮部堂官受

詔降。引百官由

昭德門。貞度門。

午門。端門。天安門。左右門出。至金水橋南。東西甬
道。南北上。東西面立。贊排班。引百官夾御道。北

面序立贊有制衆皆跪宣

詔畢贊行三跪九叩禮畢贊退班引退如
駕不御殿王公不齊集引百官於

午門外兩翼序立

詔至跪候過隨行至

天安門外跪聽行禮如儀○大燕日

殿中陳設畢引內外王公大學士內大臣暨入

殿侍燕大臣並丹陛上侍燕台吉侍衛等立丹陛

上引百官按翼班於丹墀內各青幕下俟

上御殿陞座樂止引王公暨

殿內侍燕大臣等進

殿各序坐進茶進酒均如儀鳴贊等分立於丹陛

三成

上進茶進酒時均舉手傳示百官行禮燕畢引王公

大臣出序王公於丹陛上百官於丹墀內鳴贊

四人進至檐下東西面立贊排班引王公百官

各就拜位贊進贊行一跪三叩禮畢引復原班

立

駕還宮俟樂止引出如儀○公主納徵及下嫁日燕

於

保和殿是日。卿二人。鳴贊二人。豫引額駙暨族人。蒙古王公台吉等。詣

皇太后宮。於門外行三跪九叩禮。畢。引至殿前右翼序。立。鳴贊四人。立於檐下。

上御殿。樂止。引額駙暨族中蒙古王公台吉等。至御道西。東上。北面立。聽贊行三跪九叩禮。畢。引侍燕王公大臣侍衛。由左門入。引額駙暨族人。蒙古王公台吉等。由右門入。均北上。東西面序坐。進酒大臣。進酒時。引額駙族人出。至御道西。東上。北面跪。侍燕王公大臣於本位跪。均隨進爵。

大臣行一叩禮。禮畢。仍引入殿。各序坐。燕畢。引額駙暨族人出。至御道右。聽贊行一跪三叩禮。餘儀與大燕同。

皇子婚禮。納采。設燕於福晉父第。成婚。設燕於皇子所居宮外。均張采棚。是日。鳴贊二人。引福晉父及族人。有官者。暨本旗大臣二品以上官。序於東席。引應入燕大臣二品以上官。序於西席。均北上。東西面就席。一叩坐。

賜茶巡酒。各一叩。跪飲畢。仍一叩。燕畢。引各官望闕行三跪九叩禮。○下嫁蒙古之固倫公主。和碩

公主暨科爾沁三親王。一貝勒。喀爾喀澤卜尊
丹巴胡圖克圖。來朝還國。均於朝陽門。或東直
門外。接官廳迎送。由寺鳴贊官二人。引公主。蒙
古王等。於廳內東。在內王公。於廳內西。均北上
東西面序坐。引內大臣侍衛一品文武官。按翼
坐於廳外兩旁青幕。尚茶攜茶出。
賜茶畢。引公主於廳內望。

闕行六肅三跪三叩禮。引蒙古王貝勒於廳外望。
闕行三跪九叩禮。贊不
車駕巡幸恭遇。

萬壽聖節。本寺官引扈從王公各官隨。

皇上詣

皇太后行宮。黃幔城前行禮。鳴贊四人。於黃幔城門外。
左右立。奏行三跪九拜禮畢。

皇上御行殿。鳴贊四人。左右各二人。於旌門外序立。
本寺官引王公一二品官。於黃幔城外。三品官
以下。於網城外。聽贊行三跪九叩禮。○逢五日
常朝。

上御殿。不具表。王公謝。
恩行禮。鳴贊左右四人。立於

殿檐下百官謝

恩行禮。鳴贊序班左右四人立於仗內。均如大朝儀。外國使臣行禮同禮畢。

賜茶。鳴贊二人引王公進。

殿列坐。如朝鮮國正使有職銜稱君者行禮畢。自仗外引自西階升。由

殿右門入序坐於右翼輔國公之下。鳴贊等分立三成。舉手傳示百官行禮如儀。

御殿

冊立前一日設節案於

太和殿內御座前正中設

冊案於御座右。寶案於右。引王公百官侍班。一如大朝儀。宣制官奉

制立於殿檐下第三柱。鳴贊二人引正副使於丹墀內聽贊行三跪九叩禮畢。引由右階升。至

殿階下御道之左西上。北面立。宣制官進至中門之東。西面宣

制畢。退。大學士授

節。引正副使由中階降。引舉

冊寶案各官於左右門入。舉

冊寶案由中門出隨行並撤節案由左門出引王公進殿

賜茶如儀○

尊封

太妃設

冊寶印案於御座之南中門兩旁

冊封

妃

嬪設節案於

太和殿寶座前正中設

冊寶印案於寶座左右兩旁引正副使入殿持節前往

冊封王貝勒設節案於

太和殿丹陛正中

冊寶印采亭於丹墀左右引正副使詣案前持節前

往恭遇

親行尊封禮是日

御太和殿南面立

閱冊寶印訖詣

太妃宮鳴贊左右各二人豫立

宮門檐下奏進

冊進

寶印宣讀官宣

冊寶印文奏跪拜興

上行二跪六拜禮○

臨雍釋奠於

先師畢本寺官引兩翼王公均由戟門右門出至廟門外與前東上南北面序立引百官均由持敬門出豫詣太學彝倫堂階下左右北上東西面序立候

駕是日豫設御書案於彝倫堂內

御幄前正中稍南設祭酒講書案於中門內之左設司業講書案於右東西嚮

上御彝倫堂移御書案近御座引王公三品以上官入堂內四品以下官於階上東西面序立鳴贊左右各二人立階上引禮鳴贊引國子監祭酒司業等官率太學諸生於庭聽贊行三跪九叩禮畢

賜王公大臣坐引祭酒司業由左右門入至講席引諸生環立於露臺上聽講祭酒司業一叩就席

坐講經書畢。退出。立於原班。禮部尚書奉制出。授宣制官。宣制官跪受。鳴贊。序班引諸生各就拜位。贊有。

制。眾咸跪。宣制官宣。

制訖。贊行三跪九叩禮。畢。豫引祭酒以下官及諸生。趨至太學外。跪送。

駕。王公從。百官以次退。○春秋二季。

經筵。先期由寺設御書案於

文華殿內。

御座前稍南。設講案於殿內正中。是日。鳴贊二人引

講官。暨大學士。九卿。科道各官。至丹墀內。東西面序立。

上御經筵。陞座。引各官於丹墀。鳴贊四人。立殿檐下。東西第二楹前。贊行二跪六叩禮。引退。立原班。滿漢卿。引講官。暨各官。由東西階升。進。

殿內兩旁序立。鳴贊一人。進至殿檐下。東第二楹。贊進講。講官行禮。進講畢。候。

皇上闡發經義。羣臣跪聆。訖。滿漢卿。引各官出。至丹墀。原班立。鳴贊。贊行二跪六叩禮。畢。引入

殿內。

賜坐

賜茶畢引出退立原班候

駕還宮引各官出至協和門

賜燕燕畢引各官至

太和門外謝

恩行一跪三叩禮贊不○恭進

實錄

聖訓前期設書案於

保和殿內

御座前正中設表案於

殿門外稍東均南嚮本寺堂官鳴贊十人於纂修

館前引至

太和殿階下亭止監修以下官行一跪三叩禮纂

修官恭奉

實錄

聖訓卿二人引由中階升入

太和殿中門陳於案監修以下官於

丹陛東行三跪九叩禮鳴贊官引王公入

太和門左右門至

丹陛上文武各官入

昭德貞度門。至丹墀內。均按翼序立。

上御保和殿。恭受。

實錄

聖訓。行禮畢。

御中和殿。執事各官。行三跪九叩禮。贊不

駕興。

御太和殿。本寺官引監修總裁纂修提調各官。入百

官班內序立。鳴贊。贊排班。班齊。贊進。眾進。贊跪。

王以下各官咸跪。宣表官一人進至。

殿中門外。西面跪。代致辭曰。和碩親王臣某等。文

武羣臣奏言。恭惟

先帝神功聖德。纂修

實錄成書。昭垂萬世。羣臣懼忤。禮當慶賀。奏畢。鴻臚卿

宣

制曰。

實錄告成。朕心懽慶。與卿等同之。宣畢。鳴贊。官贊羣臣

行三跪九叩禮畢。本寺堂官引王公入殿內。百

官各就坐。

賜茶。

駕還宮。各退。○恭進

玉牒不宣

制餘儀與恭進

實錄同○文武鄉會試宣

旨於

午門外。鳴贊官二人引正副主考官。同考各官於御道左右。行三跪九叩禮。贊不發榜後。次日中式者。隨各考試官於

午門前。贊行三跪九叩禮。禮兵二部上馬下馬。燕於本部露臺上。望

闕設香案。贊行三跪九叩禮。燕畢。行一跪三叩禮。

如儀○

殿試日。設題案一於殿內左楹之南。西嚮一於丹陛正中。南嚮。至時。引讀卷執事各官。至丹墀。唱贊。行禮畢。俟禮部堂官受題。置丹陛中黃案。引諸貢士於品級山南。鳴贊四人於丹陛上。唱贊。行三跪九叩禮。○傳臚日。設置榜黃案一於殿內左楹之南。一於丹陛正中。引王公百官侍班。如儀。引讀卷執事各官於左翼。仗後。引貢士於仗南左右。三傳官三人分立於三成階上。東立。西嚮。鳴贊四人侍立。如儀。

上御殿鳴鞭畢。贊排班。引讀卷等官。行三跪九叩禮。畢。贊退班。引退。俟禮部堂官奉榜。設於丹陛中。黃案退。贊排班。引諸貢士。由仗南進。至品級山前。北面序立。贊有制。諸貢士跪。宣制。官立丹陛。上東旁宣。

制曰。某年月日。策試天下貢士。某等若干人。第一甲賜進士及第。第二甲賜進士出身。第三甲賜同進士出身。宣畢。乃唱第一甲第一名某人。三傳官以次唱名。三成臚傳畢。引第一名進至左班。正六品品級山。跪。再唱第一甲第二名某人。三唱畢。

引第二名進至右班。正七品品級山。跪。唱第一甲第三名某人。三唱畢。引第三名進至左班。從七品品級山。跪。又唱第二甲第一名某人等若干名。三甲第一名某人等若干名。均三唱畢。贊叩興。諸進士行三跪九叩禮。畢。引復原位立。鳴贊。贊舉榜。禮部堂官舉榜。自中階降。榜至。

太和門。引第一甲三人。隨榜後出。

太和門。引諸進士。由昭德。貞度門。

午門。左右門出。武傳臚同。如。

上不御殿。王公百官不齊集。餘儀均同。○傳臚後越。

三日。狀元率諸進士進表。設表案於

午門外。相對兩觀第五楹正中。本寺卿少卿及鳴

贊官夾御道立。引諸進士於闕門之南。北上。東

西面序立。贊排班。引諸進士於闕門之南。東西

上。北面立。序班一人。引狀元奉表。由御道左。進

至黃案前正中。跪陳表於案。行三跪九叩禮。贊不

引復原位。贊行三跪九叩禮。畢。同禮部官奉表。

恭送內閣。

頒賞日。引諸進士於原立處。

頒賞表裏畢。行禮侍班。與進表同。○考試庶吉士未

散卷前。引至

太和殿丹墀。行三跪九叩禮。不唱贊。○

躬耕藉田祭

先農畢。候

駕入

太歲殿行禮。本寺官引王公百官。出壇西門外。更

衣。引禮鳴贊。二人引左翼王公百官於觀耕臺

之左。二人引右翼王公百官於臺右。均北上。東

西面序立。引從耕三王九卿。各就從耕所。東西

面立。引王公百官至臺前。東西上。均南嚮立。鳴

贊二人進至采棚左右東西面立。俟上出具服殿。至耕藉所。贊進耒耜。贊進鞭躬耕禮成。引王公百官仍復原位立候。

上御觀耕臺。引王公百官於臺下左右。北上僉立。三王一推畢。九卿從耕。三王五推。九卿九推禮成。各引復位。鳴贊四人進至臺南東西面序立。贊排班。引禮鳴贊序班。引順天府府尹。府丞爲一班。治中通判。大興宛平二縣官爲二班。佐雜三班。耆老農夫四班。均由臺西引至臺前。東上。北面序立。班齊。贊進衆進。贊跪叩興。衆行三跪九

叩禮畢。贊退班。仍由臺西引至采棚外。東面序立。禮成。引左翼王公百官於甬道南。西上。北面序立候。

駕過。引右翼王公自臺南共隨行。百官以次退。如上御齋宮。引王公隨自南門左右門入。百官由左右門東西門入。王公序立階上。百官序立階下。均北上。東西面立候。

上陞御座。本寺滿卿進至殿中門之左。西面跪致辭云。躬耕禮成。羣臣慶賀。鳴贊官贊羣臣行三跪九叩禮。如儀禮畢。

賜坐。引王公於階上。百官於階下。均北上。東西面列坐。

上進茶。鳴贊於階上。傳示階下百官。行一叩禮。賜茶畢。各興候。

駕過。引王公隨行。百官以次退。○孟冬

頒朔日。本寺堂官率鳴贊四人於

午門外。兩觀第五楹。夾御道。東西面立。傳

制官一人於

午門外御道下左旁奉

制立。俟欽天監恭進

御覽時憲書畢。引王公於

午門外。左右觀自南第二楹下。引百官於闕門相

對。均北上。東西面立。宣

制官進至御道上。西面立。贊排班。引王公於御道上

左右。百官於御道下。均北嚮立。贊進。引各就位。

贊有制。眾皆跪。宣制官宣

制曰。欽天監進某年時憲書。其賜王公百官。頒行天

下。宣畢。退。贊行三跪九叩禮。畢。贊退班。各引退。欽

天監依次頒給時憲書。王公以下皆跪領。各退。

命將出師。設勅印案於

太和殿內左楹之南。引大將軍

王公於丹墀上行
大臣於丹墀內

三跪九叩禮畢。引由左階升。至

殿檐下左旁。北面跪。大學士授

勅印。大將軍恭受。轉授隨印學士等奉

勅印。由御道左旁降。引大將軍隨行。凱旋恭繳

勅印。儀同。出師戰勝。露布至京。內閣大臣奉捷疏

至

午門外本寺官引齊集之文武各官分翼排立贊

有制衆皆跪宣

制如儀。○受俘於

午門樓。鳴贊官左右各二人立兩觀第六楹對

午門樓第二楹夾御道立。引王公於

午門前丹陛鹵簿外。文武各官於丹墀鹵簿外。按

翼北上。東西面序立。引兵刑二部堂官立於闕

右門。右翼丹墀鹵簿外。兵部官率進俘將校立

於右翼金鼓外。押俘立將校後。刑部官立於兵

部之次。俟

上御午門樓。陞座。鳴鞭畢。鳴贊官贊排班。引解俘將

校進至仗南。御道西北面立。贊行三跪九叩禮。

宣

旨後將校引俘退引王公於兩觀相對自南第二楹引百官於仗南各就拜位王等於棕薦上月勒等於棕薦後贊行三跪九叩禮○

賞賜直省將軍都統督撫提鎮朝衣鞍馬引至

午門前恭受文東武西鳴贊指行三跪九叩禮贊不朝鮮等國朝貢使臣

頒賞謝恩均於御道之右唱贊行禮儀同○救護日月食鳴贊四人立於禮部太常寺露臺上初虧時贊衆官行三跪九叩禮畢復贊跪衆皆跪贊

擊鼓救護至欽天監報復圓贊行三跪九叩禮

一

堂子贊相禮儀元日卿二人鳴贊二人於

堂子圍殿北對左右階夾甬道侍立引兩翼王公一品

滿大臣官員鳴贊各二人引王公一品官於

堂子街門內北上東嚮序立

駕至跪候過隨行由內門右門入引左翼王公大臣

由賽

神殿後繞至階上均東西上南嚮序立鳴贊奏跪拜興

上行三跪九拜禮。諸王羣臣隨行禮畢。奏禮成。引左翼王公大臣於殿前。各隨行至內門立。俟上陞輿。由左右門引出隨行。○出師日。燾前兩旁。鳴贊四人。東西面序立。

駕詣

堂子園殿行禮。引大將軍拜於

上後。與貝子公同行。餘同元旦儀。至

燾前行禮。引王公大將軍如前。引從征將士於王公後。鳴贊奏行三跪九拜禮。畢。奏禮成。引王公將士退立於內門之北兩旁。南上東西面序立。

候

駕過隨出。○康熙十一年

諭人君對越神祇。務盡其誠敬之心。禮儀節文宜臻明備。每年元旦躬詣

堂子展拜。可令鳴贊贊禮。永著爲令。欽此。○十二年奉旨嗣後

堂子行禮。漢官不必隨往。○元日展拜堂子。

乘輿出入。鳴贊序班。分引不與行禮百官。蒙古王公及外國使臣均於

午門外各按翼序班跪候送迎

一祭祀贊相禮儀冬至大祀

圜丘設王貝勒拜位於第三成階上左右對第二成午階闌版第二柱貝子公拜位於三成階下左右嵌設拜石百官拜位於外壝門外嵌設品級拜石左右各五行

駕宿齋宮日壇內鐘鳴預引陪祀王公由壇內垣西

門入至

齋宮門外左翼對

齋宮北廊第三楹王貝勒爲一班貝子公二班百

官各依品級爲三四五六班東上南嚮立右翼南上東面序立俟

駕入

壇門亦引至南廊第三楹東上皆對降輦棕薦東邊立駕到時東面

駕過仍東上北面立俟

駕入齋宮各引退祀日引兩翼王公至

降輦處設棕薦之西第二路鐙東上去甬道五尺南北面序立引陪祀百官於外壝門外北上東西面序立

駕過引王公於豹尾班後行。將至大次，少立。俟盥洗畢，引左翼隨進外壝門左門，右翼進外壝門右門，至內壝門。豹尾班止。引左翼王公隨進內壝門左門，右翼王公進內壝門右門，至階下。引貝子公止。引王等由午階左右升。貝子公於階下各就拜位。引百官各就拜位，均東西上。北面序立。進俎及送祝帛時，引王等避立於兩旁闌版第四柱。北上東西面候過，仍復原班立。貝子公同候過，復位禮成。引王等退立於第五柱東西面，均北上。引貝子公退立於大鐙之南。引百官

退立於兩旁，均北上。東西面候

駕過，引王等仍由午階左右降。至內壝門，少立。俟望燎禮成，出外壝門。引王公隨豹尾班後行。引百官以次退，如

駕至齋宮，引王公百官豫出至壇內垣西門外。左翼於門南，右翼於門北。東上序立。候

駕過，王公從。百官以次退。王公隨至

午門內，同不陪祀。王公均序於內金水橋南。如

駕不宿齋宮。祀日，引百官各就拜位。引王等於

昭亨門西紅樁左右。引貝勒貝子公於石牌坊左

右均東上。南北面序立。
駕過隨行。行禮如儀。孟夏行

常雩禮同如

皇上步禱。是日引王公於

齋宮門外。按翼西上。南北面序立。候

駕過。隨豹尾班後行。餘均同。其不陪祀王公於

午門外對東西觀第六楹。東西對

午門班房中一間。北上。東西面序立。

駕出

午門跪候豹尾班過。興禮成。

回鑾。仍於原班序立。

駕至闕門。跪候進

午門。興同陪祀王公進

午門左右門。至內金水橋南。按翼列於仗末。候

駕入太和門。各退。不陪祀各官。各於本旗本衙門班

位。均北上。東西面序立。跪送跪迎如儀。凡祭祀

迎送儀均同。遣官恭代行禮。豫引百官入至

外壝門外拜位。分翼東西面序立。遣官進內壝

門。至行禮位。引百官北面立。行禮畢。引百官仍

東西面立。遣官出。各引退。正月上辛。祈穀於

祈年殿設王公拜位於第一成階上。左右階石闌版第二柱。樂懸之後重行。百官拜位於階下嵌設品級拜石。左右各五行。

駕宿齋宮。壇內鐘鳴。豫引陪祀王公百官進壇內垣西門至。

齋宮門外。右翼王公仍照前北面序立。左翼王公東上。北面序立。

駕入

祈年門引至原位立。

駕到時均東面。

駕過仍東上南嚮立。餘如前儀。祀日引王公於降輦處設椽薦之西。階下第二路。鐙東上。南北面序立。引陪祀百官。豫由西甃門進至。

祈年殿兩廡前對第四楹北上。東西面序立。

駕過引王公隨行。左翼由左門隨進。右翼由右門進。由左右階升。百官於階下各就拜位。均東西上。北面序立。進俎時引王公避立於鐘磬之南。候過引復位。送祝帛時王公同前。引百官於兩廡之前。候過引王公復位。禮成引王公於祝啟之前。均北上。東西面序立。

駕過引王公仍由左右階降至

祈年門。俟望燎禮成出甑門。引王公隨豹尾班行。引百

官以次退。○夏日至大祭

方澤。設王公拜位於壇前。嵌設拜石。左右重行。百官拜

位於外壝門外。嵌設品級拜石。左右各五行。

駕宿齋宮。壇內鐘鳴。豫引陪祀王公百官。由壇內外

垣西門入。至

齋宮門外。左翼在北。右翼在南。各對角門。南北上

東面立。俟

駕入壇。引對降輦。椽薦東邊。均東上。東面立。

駕過。南北面立。

駕入齋宮。各引退。祭日。引王公至

降輦處。設椽薦之西。第二路。鐙東。引百官至外壝門

外拜位。左右均南上。東西面序立。

駕過。引王公隨豹尾班後行。右翼至內壝門。右門相

對止。左翼至神路。左止。俟

駕出更衣。大次。引左翼王公。隨進內壝門。左門。右翼

王公。進內壝門。右門。至階下。各就拜位。引百官

各就拜位。均東西上。南嚮。序立。進俎。送祝帛時。

引王公避。立於兩旁。大鐙左右。祭畢。引王公避。

立於

壇北左右角。俟望瘞禮成。出外壝門。引王公隨出。百官

以次退。如

駕至齋宮。引王公百官豫出。至外垣西門外。左翼於門北。右翼於門南。東上序立。候

駕過。王公從。百官以次退。如

駕不宿齋宮。祭日。引百官各就拜位。引王公等於壇

內垣北門外

降輦處。椽薦之西。左翼在北。右翼在南。均東上序立。候

駕過。引左翼王公隨入左門。右翼王公入右門。各進內外壝左右門。至拜位行禮。禮成。引王公仍於原進各門出。遣官引百官。儀同。

南郊○饗

太廟。設王公拜位於階上。對第一成。東西闌版第二柱。左右重行。百官拜位於階下。對兩廡南第四楹。左右各四行。

午門鼓嚴。引百官先入於兩廡前。北上。東西面序立。引王公於

廟街門外。左翼在南。右翼在北。各對朝房第二楹。均東

上左翼北面右翼西面立候

駕至南北面立

駕過由街門左門引進左翼隨豹尾班後行進左門右翼進右門至橋南立候

駕入戟門引王公隨進由東西階升至一成階上各就拜位引百官各就拜位均東西上北面立送祝帛時引王公避立於中一間之東西候過復位引百官避立兩廡前禮成引王公近東西闌版前立

駕過引隨行仍由原進門引出遣官引百官同如遇

雨引王公於

戟門內百官於左右門均東西上北面隨行禮禮成引王公於門兩旁戟前竝

駕過由左右門引出○恭遇

皇上親祇告於

中殿王公陪祭百官均於

午門外朝服祇候送迎預日設王公拜位於

中殿前階上左右二行祭日引王公等隨入戟門左翼隨豹尾班後行由

前殿左陞東階引右翼相對左翼行由

前殿右。陞西階。各就拜位。東西上。北面立。隨行禮。送祝帛時。避立兩旁。禮成。引兩翼王公於東西階之南。均北上。東西面立。候。

駕過。隨行。仍由原路引出。

社稷壇祭日。設王公拜位於拜殿次間之南。對紅鐙。左右重行。百官拜位於拜殿兩旁。左右各四行。午門鐘鳴前。豫引百官由。

社稷街門南門入。至拜殿兩旁。左翼在左。右翼在右。南上。東西面序立。引王公於闕右門外。左翼在南。右翼在北。西上。東西面序立。候。

駕過。隨豹尾班後行。由壇北門入。左翼隨進東門。由戟門拜殿東。右翼進西門。由戟門拜殿西。至拜位。引百官各就拜位。均南嚮序立。送祝帛時。不引避。禮成。引王公退立於內壝左右牆角。引百官於原位立。候。

駕過。引王公隨行。引百官以次由原路出。遣官及禱雨祈謝。引百官行禮同。

日壇。設王公拜位於內壝門內階下。對第一紅鐙。左翼在南。右翼在北。左右重行。設百官拜位於內壝門外。左右各四行。祀日。壇內鐘鳴。引百官由。

壇門入至內壝門外神路之西左翼序於拜位東上北嚮序立右翼序於神路之東西面引王公於壇北門外左翼在西右翼在東均南上東西面序立候

駕過引隨豹尾班後行左翼王公隨進內壝門左門右翼王公進內壝門右門至階下各引就拜位引百官各就拜位均南北上東面序立送祝帛時引王公避立於兩旁南北面立候過仍引復位立禮成引王公退立於壇左右角百官退立於內壝牆角候

駕過引王公隨行引百官以次退○
月壇祀時壇內鐘鳴引百官由壇門入至內壝門外左翼序於神路之東南上西嚮立右翼序於拜位西上北面序立引王公於壇北門外左翼在西右翼在東均南上東西面序立祭時均南北上西面序立餘儀均與

日壇同○

先農壇祭日設王公拜位於壇下大鐙之北左右重行設百官拜位於樂懸之南左右各四行均東西上北面壇內鐘鳴引百官入右翼序神路西東面左

翼序於甬道之南。北面引王公於壇外垣東門內。左翼在北。右翼在南。均東上。南北面序立。候駕過。引隨豹尾班後行。至壇。引王公百官各就拜位。均東西上。北面立。送祝帛時。不引避。禮成。引王公百官退出西門更衣。候從耕。○乾隆六年覆準。皇上親祭。

先農壇。左班執事陪祀各官。先就御道之南。北面立。日壇。右班官。先就御道之西。東嚮立。

月壇。左班各官。先就御道之東。西嚮立。均竣。

皇上嚮壇後。各趨就班次。庶於典制。更覺嚴肅。至各

壇廟執事陪祀各官原無庸輾轉易嚮於

皇上未祭之前。各按班位。相嚮正立。以昭誠恪。○

帝王廟祭日。設王公拜位於階上。對左右石闌第二柱。

左右重行。設百官拜位於階下。相對兩廡第二楹。

左右各四行。均東西上。北面廟內鐘鳴。引百官各

就拜位。北上。東西面序立。引王公於廟門外。左翼

在門東。西上。南嚮。右翼在門西北上。東嚮。序立。候

駕過。隨行。由左右門入。由中階左右升。各就拜位。引

百官各就拜位。均東西上。北面序立。送祝帛時。

王公避立於中一間之東西。禮成。引王公退立。

於東西石闌版之前。引百官退立兩廡前。均北上。東西面序立。候。

駕過。引王公隨行。百官以次退。○

幸學釋奠於

先師。引王公於廟街門外之西。左翼在南。右翼在北。東上。南北面序立。候。

駕降輿。由中門入。引王公於左右門入。設位。引禮。與

帝王廟儀同。○

天神壇。

地祇壇。

太歲殿。祈雨報謝。引百官於壇下。分班陪祀。○
先醫廟。太醫院醫官陪祭。

賢良。

昭忠祠。各後裔陪祭。均鳴贊。官引禮。○

駕詣興京。恭謁

永陵。自下馬處。引王以下三品以上官。進至

啟運殿之左右。均東西上。北面序立。隨行禮畢。引王公於殿後。百官於左右。均北上。東西面立。

皇上祭酒時。隨行三叩禮。興。候。

駕過。隨出。至

盛京恭謁

福陵。自下馬處。引王公三品以上官。進至

隆恩殿之左右。恭謁

孝陵。自下馬處。引王公三品以上官隨行。左翼由

隆恩門左門。右翼由右門。自

隆恩殿左右。至

陵寢門。王公於門外。百官於

隆恩殿左右。均東西上。北面立。隨行禮畢。引王公於門

外。引百官於

隆恩殿左右。均北上。東西面立。鳴贊二人。至左右門外。

皇帝祭酒時。傳示隨行三叩禮畢。退下。引王公各官

近左右垣立。候

駕過。隨出。祭日。設王公拜位於

隆恩殿階上。銅鼎左右。重行。設百官拜位於階下。對兩

廡第二楹。左右各三行。引王公於東西廡之前。

百官於東西廡之南。

駕至幄次。豫引百官由左右門入。至兩廡前。東西面。

北上序立。候

駕過。引王公隨行。左翼由左門隨入。右翼由右門入。

由正面左右階升。至階上。於左右石闌前。北上。

東西面立獻茶畢

皇上就拜位引王公百官各就拜位東西上北面序立送祝帛時引王公避立於中一間之東西引百官避立於兩廡前候過引王公復原位立禮成引王公仍退立左右石闌前序立
駕由東階降引左翼王公由東階引右翼王公由西階降至

陵寢門外東西面序立祭酒時行禮一如謁

陵儀各

陵禮同至

孝賢皇后陵寢引王公百官隨行

駕乘輿進大門引王公於大門東西階升至階上虛神路左右引百官於橋南對東西廂前均東西上北面行三跪九叩禮畢引王公於門階上百官於東西廂前東西面北上序立鳴贊二人進至門下

皇上祭酒時內務府內監由內傳出傳示王公百官行三叩禮畢引王公退至階下序立候
駕過隨行

一

巡幸送迎

車駕順治初年定

車駕巡狩省方由

午門出入均鳴鐘左翼王公百官在左右翼王公百官在右跪候送迎由

東華門出入左翼在北右翼在南由

西華門出入左翼在南右翼在北由

神武門出入左翼仍在左右翼仍在右均采服如設鹵簿由寺傳知王公百官咸朝服○又定凡巡幸經過之處文官知縣以上武官守備以上均於

百里內迎送由寺請

旨傳示各官咸朝服在御路右百步外跪候駕過將各官名籤啟奏引至

行宮網城門外行三跪九叩禮不次日

駕啟行仍朝服在路右百步外跪送如有行禮失儀及送迎不到者由寺指名題叅交該部議處

駕回京日各官跪迎同○康熙五十一年奉

旨朕出巡時武職千把總以上皆來迎接文職只有掌印官迎接嗣後朕出巡時同知通判州同州判以下皆令來迎○乾隆十六年

諭向例鑾輿巡幸經過地方官員應行接駕由鴻臚寺具奏里數請旨臨時該寺率領接駕至駐蹕後復奏聞行禮朕入疆考績地方大吏隨營行走不時召見卽州縣各官凡有承辦差務者業已於道旁隨便跪接此皆不在率領接駕行禮之列其率領行禮者非散員卽武弁教職充數之人此何爲者而鴻臚寺官員先期傳示不無滋擾嗣後凡應接駕人員祇令鴻臚寺在京奏請里數得旨行知其一切繁文及接駕後赴鴻臚寺投遞職名槩著停止以示朕行簡務實之意欽此

一簡選鳴贊序班順治初年定考取滿洲鳴贊由鴻臚寺唱試送禮部選擇正陪仍由寺移送吏部選取序班由禮部行文直隸山東山西河南提學起送到部會同本寺堂官選擇由禮部咨送吏部補授漢鳴贊員闕由見任序班內選送吏部題補具滿漢鳴贊等官請假丁憂等事均由寺掌行○又定鴻臚寺官生闕禮部將應承襲之人劄寺肄業遇外國來使行禮該館官生導引○康熙四十四年題準滿漢鳴贊及漢序班員闕由寺選擇擬定正陪徑送吏部○雍

正三年定。選取滿鳴贊。由寺於八旗筆帖式。候補筆帖式。恩監生。前鋒護軍親軍校。驍騎校。庫使。前鋒護軍親軍。滿洲舉人。副榜貢生。內。遴選引

見補授。○六年覆準。直隸。山東。山西。河南。四省生員。具呈願考序班者。令取同鄉京官印結。注明委係親身字樣。由寺驗明。簡選留寺學習。俟有應補之闕。移咨學政。察取冊結。補用以杜冒濫。其有迭催不赴考之各生。由寺察出除名。仍令歸學肄業。○乾隆二年奏準。司賓序班。并肄業官

生。一無所事。均請裁汰。○七年奏準。本寺額設滿鳴贊官十有六人。漢鳴贊官四人。序班六人。以供唱贊引禮之用。而典禮需用官員。多少不一。恭逢

萬壽元旦冬至三大節。用官二十餘人。

躬耕藉田。用官三十餘人。此外典禮。用官無多。額設之員。尚可裁省。漢鳴贊官四人。應裁去二人。序班六人。應裁去二人。共留漢官六人。并滿鳴贊官二十二人。凡典禮執事。已足敷用。恭逢

大典需用多人之時。本寺有學習生員。即可與見任

之人一體委用其所裁四人照例咨送吏部對品改補○九年議準在寺學習行走之四省生員以十有二名爲定額不得額外多留以滋冒濫○十一年奏準在寺學習之四省生員十有二名應均平酌定直隸額取六名山東山西河南各二名○十七年奏準山東山西河南三省離京稍遠在寺學習者行走維艱且聲韻各別土語難變學習唱贊時雖極力教演究難合式惟直隸一省近居京師該生等行走不致拮据其聲音唱贊亦易合式應將山東等三省額設

生員六名裁去四名祇留二名合直隸原設六名共八名一并歸於順天學政咨取○二十年奉

旨向來簡選鳴贊等官新滿洲烏拉齊等皆不與伊等國語純熟字音準切將伊等簡選尚屬合宜著交該衙門嗣後簡選鳴贊等官將東三省新滿洲烏拉齊等一并簡選



